

湖海樓全集



湖海樓詞集卷第四

中調

邑後學任光奇重校

臨江仙

偶作

憶在冶城公膝下圍棋年少知名石頭兒女本輕盈象
牀春縱博珠衿夜彈箏倏忽過江門第換滄桑飛渡
羣傖吳霜點髻不勝情案頭無鬼論肘後淨名經

酬贈崇川陶月嶠

四十男兒方墜地家聲列戟風流翩翩挾彈少年游兄
居長樂尉主尙富平侯詎料蹉跎空老大逢君楚尾

吳頭酒闌話向北風愁無家徐僕射有淚白江州

詠竹夫人二首

孤竹君原稱苦節晚遺弱息江村夜涼薦寢暫承恩斑
留江上點冷浸月中魂青女秋來休見妬此身自有
根源化爲橫笛響夔門但憑關塞曲吹裂小龍孫
十載蕭蕭湘岸住捎烟惹雨參差如今枕畔露華滋身
居清暑殿夢到竹郎祠琢就細腰冰幾尺宵來御輦
頻辭一生疎直許誰知霜砧來別院紈扇憶同時

春日過訪友人村居值其往郡城題詞壁間而

去

友人城居
爲余比隣

早起隔牆花弄影忽然空館相思隣家已換燕空飛許
多惆悵事訴與落紅知門前百里烟航遙訪戴柴門鎖向
春磯沉吟暗詠壁間詩徑開山以麓村在水之湄二語友人

自署

武塘贈錢巖燭

黃竹篙兒如雁叫西風直放江船櫓聲搖破鶴湖烟園
林排水次甲第轟花前公子才華尤絕勝翩翩氣壓
幽燕新詞脫手萬人傳暗香姜白石殘月柳屯田

七娘子

又一體

汲女

柴門之外清江曉兩三枝映竹天桃小鬪茗偏忙澆花
趲早銅瓶翠綆深深抱汲餘閒數雙棲鳥坐晴磯紅
上梨渦悄窄地許防有人低笑浣衣娘又盈盈到

蝶戀花

紀艷十首

劉氏三娘雙姊妹生小繁華家住雞鳴埭梵字闌干花
影碎妝樓恰與春波對兩小後堂曾博簪阿母簾前
此日教重會傳語颺風空至再蟬欵只靠秋千背
避人
簾外桐花閒弄影不便相辭悄語傳聲請猶自眉峯烟
不定避人奩內添宮餅說道今宵天色冷且自留停

莫撼獨兒醒珠斗爛斑斜又整人間第一消魂景

促坐

犀蒜銀釘紅玉榻小小簾櫳不與金堂接鬪草又慵彈

阮怯邀郎今夜拋金葉音百子枝花香粉浥蘭是椿家

好把豪犀厭音小負紅潮生兩頰給郎博進惟榆莢鬪

葉

涼夜金街天似洗打疊銀篝薰透吳綾被作劇消愁何

計是髣絲扶定相思子對漾紅繩低復起明月光中

亂捲瀟湘水匿笑佳人聲不止檀奴小絆花陰裏

跳索

梔子簾前斟鵲腦隔著屏山愛聽銀箏好唱盡紅鹽人

不曉依稀記是蕭郎稿偷得新聲三兩調悄學春鶯

唇綻櫻桃小銀蒜輕搖郎到了和羞吹滅蘭缸早

聽歌

亞字闌干花一朶每到花朝春夢偏難安女伴相攜爭

婀娜迷藏小捉妝樓左

髻棗微鬆蟬翼彈怕有人窺

輕合黃金鎖戲罷偎人苔砌坐日移交網花陰簌

迷藏

拂曉相逢花弄口如此天寒何事清晨走小院綠熊鋪

褥厚玉梅花下交三九

招入繡屏閒寫久斜送橫波

郎莫衣單否袖裏任郎沾寶獸雕龍手壓描鸞手

圍爐

一帶紅牆剛六幅忽聽簫聲欲斷還將續知是東隣吹

鳳竹邀來教弄相思曲

風起落花紅簌簌香睡猩絨

小印琅玕束故說玉人吹未熟明朝重到黃金屋

教簫

年少雙文能勸酒笑折花枝今夜爲郎壽紅燭厭厭籠
翠鈕飲深忘却春宵久 若下烏程春釀厚却笑佳人
腰似三眠柳明日綠紗窗外走手搖屈戍妝成否 中酒
滿院姊歸啼惻惻隔著中門悵望游絲織訊至方知娘
小極潛來小揭蜻蜓翼 怕響金梯行不得半晌徘徊
纔到菱花側立久微聞輕歎息春陰簾外天如墨 潛來

春閨同周文夏賦

芳草萋萋人脉脉綠遍東西不空南和北滿院春晴無
氣力海棠花下捱時刻 惆悵去年逢玉勒酒市紅橋
此際曾相識往事不堪重憶得錫簫陣陣催寒食

春閨和漱玉詞

曉起春酥呵又凍風捲西樓似怯紅欄動欲倚自憐無
與共和愁況是纖腰重花影看看移半縫呆覷庭陰
蹴損鞋尖鳳莫怪難憑惟好夢鵲聲也把愁人弄

魏里錢爾斐先生向有四月蝶戀花戲字韻詞
病中偶次其韻并索蘧庵珍百竹逸雲臣和

八首

四月荆南山更翠山下人家都被嵐光膩南郭鶯聲纔
滿市東隣榆莢還縋地問訊茶園開也未穀雨過頭
記起旗槍事自是茗柯饒實理酪奴水厄休相戲

四月荆南堪買醉雪片鱗魚觸網連湖起色鬪新鵝松
粉細櫻紅筍綠玫瑰紫更有萼羹纔下豉一棧醺醺
醉倒新沙嘴射虎屠龍非我事天晴且趁游蜂戲

四月荆南山雨至浙浙濛濛碧窹雙溪尾水檻科頭閒
徙倚笛聲吹得波紋碎小院日長惟好睡睡足揮毫
自笑無新意滿幅詛神兼罵鬼先生慣以文爲戲

四月荆南春去矣點點花飛別我彈紅淚所幸東街連
古寺木香鶯粟還堆砌汲水澆花心暗喜小啜龍團
管甚人間世更上危巢探鵲子老來愛與羣兒戲

四月荆南多賽會隔浦叢祠日日村巫醉午後棟花風

乍起打門社首分鵝鵲 一飽欣然無箇事走趁楊花
飄蕩東村裏腰鼓盲詞隨處是分棚又看梨園戲

四月荆南桑柘美泥就蠶房雪淨無塵滓紅帖糊門多
禁忌家家阿婦勞纖指 笑語小姑應夜起好事今冬
早把衣裳備推却纜車佯不理小姑爲惱前言戲

四月荆南天著水濃淡溪山染做修蛾翠拂曉家童呼
入市半籠攜得含桃至 一幅斜陽紅到寺新筍排槍
數徧那能記浴佛人歸深逕裏鄰閨兒女燈前戲

四月荆南風景異乍雨還晴晴雨都無次欲認前村渾
不似茫茫萬頃黃雲膩 一巷柴門誰夜閉打麥聲中

隱隱猗兒吠酒辣餅香真足喜竈前搏黍添丁戲

五月詞仍用前韻八首

五月荆南梅雨至好貯天泉競滌空齋器豕腹龍頭堆
滿砌庭前新改瓶豐肆濺沫傾珠差足喜亟喚樵青
活火須先熾道是茶聲還不是依稀松鬚拏風戲

五月荆南饒好味筍脯茶油都上蛟橋市細切黃瓜涼
欲噓厨香正熟長腰米飽飯風前貪美睡剝啄誰歟
佳客催人起庫裏葛衣新歲質迎賓且學披裘戲

五月荆南花未已各色戎葵濃淡搖軒砌聞道街南花
更麗殷勤乞取三升子待得明年栽滿地簇繡鋪茵

便作花城矣此是貧家眞富貴人間富貴還如戲

五月荆南新漲至一片菱蘆總把川光翳閣外溪風來
也未陰陰先作鏗鐫勢水郭漣漪逾十里買件簑衣
走入漁翁隊日落笛聲篷背起封侯不換垂綸戲

五月荆南蒸濕翠牆脚苔生礎潤垣衣膩院靜日長沉
水費曹騰兀坐思陳事憶看京江江萬里爛若銀盤
倒插金山寺雪片崩濤飛彩幟妙高臺下龍舟戲

五月荆南佳節至角黍堆盤嫩綠窗前醉絳縷絲絲斜
纏臂釵符顫罷簾痕碎五毒羅囊裙帶繫始信人生
騎虎非難事折得海榴紅染袂蒲根鏤作萌蘆戲

五月荆南多酒會蜜蟹糟螯新自江船寄杏酪攪酥偏
沁肺桃膏紅透冰蠶內萬事蒼茫休問矣舖啜吾生
此舉強人意閒看雨絲蛛網綴分明空裏穿珠戲
五月荆南秧早蒔黃紙飛來溫語從天至見說東南民
力敝秋租減半明年事比屋歡騰還雪涕只恐來年
還似常年例我語村農休過計官家自古言無戲

六月詞再用前韻八首

六月荆南村貼水蒲葦成蔕屋傍漁莊尾溘溘野風波
面起湖稍直灌橋門裏白髮老翁無個事掩罷柴扉
選塊陰涼地招手老妻牽稚子團團聽話隋唐戲

六月荆南天似醉雨嫩如無恰又吹來細贏得遙山都
欲睡模糊失却青螺髻簷溜漸珊珊不已忽見中庭
一縷晴虹起那禁羣兒爭笑指碧翁也著斑斕戲
六月荆南蒸暑氣過了梅天市上無兼味白小黃魚稀
少至老饕鎮日涎垂地紅糯新炊淘莧滓蜆醬葵羹
也自饒風致鼓腹陶然吾足矣瓜棚之下間游戲
六月荆南閒也未一月停忙暫緩官糧比聞道開徵今
日始新絲賣了來城市不信何花名茉莉却與儂家
白荳花相類笑煞長橋橋上子市兒慣取村兒戲
六月荆南多水市鞋樣涼船柳樹根頭艤茭白菱紅排

汎尾漁翁又糴雞頭米 一望風荷兼雨芰纔見錢錢

又早田田矣剥罷蓮蓬何處使採來做箇人兒戲小兒

蓬以線縛之反表振袂儼然老翁名蓮蓬人兒

六月荆南蟬早沸做暝連陰夏已賒秋意莫謂晚涼饒

爽致田禾最怕牀頭被六月諺云牀上蓋了被田中無了米長日經營

無好計枕上詩成記又無頭尾且拾厨中青鴨子糊他

一盞螢燈戲

六月荆南人早起倚閣看雲雲氣朝朝異天矯軒騰兼

蔚跂火雲燒却銅峯翠 蜃國那須誇海市換狗更衣

反覆須臾耳若問世間還勝此天公聊學人情戲

六月荆南門屢閉壁上烏巾挂著多時矣客到蕉窗時
一啟不迎不送貪徒跣 問我新編今有幾叩首主臣
夜火燒殘矣消夏祗餘詞一紙君休哂我篇篇戲

夏日睡起卽事

幾日戎葵階下長烟膩吳天難得心情爽風裊茶烟斜
翠幌燕雛爭把香泥搶 窗小綠陰偏簸蕩夢覺循牆
暗地閒來往誰打樓前銅砌響熟梅自落中門上

本意

記在繡裙親見汝深院潛行驀又花閒遇綴綠粘紅無
定處濛濛撲徧東園路 艷粉退來還幾度天若多情